

BOSNA I HERCEGOVINA  
UNIVERZITET U SARAJEVU  
GRAĐEVINSKI FAKULTET



BOSNIA AND HERZEGOVINA  
THE UNIVERSITY OF SARAJEVO  
FACULTY OF CIVIL ENGINEERING

---

Patriotske lige 30, Tel.++387 33 27 84 00; Fax.++387 33 20 01 58 E-mail: gfsa@gf.unsa.ba <http://www.gf.unsa.ba>  
ID broj: 4200287770000 PDV broj: 200287770000

## P R A V I L N I K

**O PLAĆAMA I NAKNADAMA OSOBLJA GRAĐEVINSKOG FAKULETA  
UNIVERZITETA U SARAJEVU NA OSNOVU VANBUDZETSKIH PRIHODA  
OSTVARENIH OD NAUČNOISTRAŽIVAČKIH, VISOKOSTRUČNIH I  
STRUČNIH PROJEKATA REALIZOVANIH NA INSTITUTIMA  
GRAĐEVINSKOG FAKULETA UNIVERZITETA U SARAJEVU**

Sarajevo, oktobar 2018. godine

Na osnovu odredbi člana 135. stav (3). tačka d) Zakona o visokom obrazovanju Kantona Sarajevo („Službene novine Kantona Sarajevo“, 33/17), člana 92. stav 2. tačka e) Statuta Univerziteta u Sarajevu, Vijeće Građevinskog fakulteta Univerziteta u Sarajevu je na XIV sjednici održanoj dana 09.10. 2018. godine donijelo

## **P R A V I L N I K**

### **O PLAĆAMA I NAKNADAMA OSOBLJA GRAĐEVINSKOG FAKULETA UNIVERZITETA U SARAJEVU NA OSNOVU VANBUDZETSKIH PRIHODA OSTVARENIH OD NAUČNOISTRAŽIVAČKIH, VISOKOSTRUČNIH I STRUČNIH PROJEKATA REALIZOVANIH NA INSTITUTIMA**

#### **Član 1.**

##### **(Predmet Pravilnika)**

Ovim pravilnikom se utvrđuje način raspodjele, obračuna i isplate plaća i naknada akademskom, naučnoistraživačkom, stručnom, administrativno-tehničkom i pomoćno-tehničkom osoblju Građevinskog Fakulteta Univerziteta u Sarajevu (u daljem tekstu: Fakultet), po osnovu učešća na naučnoistraživačkim, visokostručnim i stručnim poslovima koji se realiziraju preko instituta Građevinskog fakulteta, a u skladu sa Pravilniko o ostvarivanju i raspolaganju vanbudzetskim prihodima Univerziteta u Sarajevu.

#### **Član 2.**

##### **(Raspodjela sredstava)**

Raspodjela sredstava dobivenih na osnovu projekata koji se realiziraju preko instituta Građevinskog fakulteta vrši se u skladu sa Pravilnikom o postupku ugovaranja, realizacije i naplate projekata, koju je usvojilo Vijeće Građevinskog fakulteta 30.05.2018. godine.

#### **Član 3.**

##### **(Plaća osoblja koje nije angažovano u nastavnom procesu)**

- (1) Plaća osoblja koje nije angažovano u nastavnom procesu se utvrđuje u skladu sa Pravilnikom o plaćama i naknadama osoblja Građevinskog fakulteta Univerziteta u Sarajevu.
- (2) Na kraju svakog mjeseca rukovodilac odsjeka/katedre je dužan dostaviti platnu listu za svakog uposlenika koji nije angažovan u nastavi u skladu sa Pravilnikom o plaćama i naknadama osoblja Građevinskog fakulteta Univerziteta u Sarajevu. Primjerak platne liste dat je u prilogu.
- (3) Uz platnu listu rukovodilac odsjeka/katedre dostavlja brojeve radnih naloga na kojima je uposlenik sudjelovao, a koji se odnose na poslove koji su naplaćeni od naručioca.

#### **Član 4.**

##### **(Naknade za osoblje koje je angažovano u nastavnom procesu)**

- (1) Naknade akademskog osoblja za angažman na stručnim poslovima instituta se obračunavaju kao dodatak na osnovnu plaću.
- (2) Na kraju svakog mjeseca rukovodilac odsjeka/katedre je dužan dostaviti iznos naknade za svakog uposlenika po osnovu angažmana na poslovima instituta i brojeve radnih naloga na kojima je uposlenik sudjelovao, a koji se odnose na poslove koji su naplaćeni od naručioca, te broj isplaćenih dnevnica po osnovu putnih naloga, koji su realizirani u tom mjesecu.
- (3) Iznos mjesečne naknade za učešće na poslovima instituta ne može biti veći od osnovne plaće koja se uposleniku obračunava po osnovu učešća u nastavi u obračunskom mjesecu.

#### Član 5.

**(Ograničenja u primjeni)**

U slučaju nedostatka finansijskih sredstava Dekan može svojom odlukom umanjiti osnovicu za obračun plaća u skladu sa raspoloživim sredstvima.

#### Član 6.

**(Tumačenje odredbi Pravilnika)**

Tumačenje odredbi ovog pravilnika daje Vijeće Fakulteta.

#### Član 7.

**(Izmjena i dopuna Pravilnika)**

- (1) Ukoliko donošenjem ili izmjenama i dopunama zakonskih propisa i kolektivnih ugovora dođe do promjene nekog od elemenata koji utiču na ovim pravilnikom utvrđeni obračun i isplatu plaća i naknada, direktno se primjenjuju novi propisi.
- (2) Izmjene i dopune ovog pravilnika se vrše prema proceduri propisanoj za njegovo donošenje.

#### Član 8.

**(Stupanje na snagu)**

- (1) Donošenjem ovog pravilnika prestaje da važe svi prethodni akti vezani za ovu materiju.
- (2) Ovaj pravilnik stupa na snagu nakon njegovog usvajanja od strane Vijeća Fakulteta i objavljivanja na web stranici Fakulteta i oglasnoj ploči.

Broj: 01-1-1391-2/18.  
Sarajevo, 09. 10. 2018.god.

Dekan  
prof. dr Samir Dolarević, dipl.inž.grad.

